



澹游集序

澹游集者見心復公集所與游者贈荅倡酬及凡文章之相及者也然其所與或爵為公卿或位當權要或儒家者流或道家者流不獨其叢林之中而摠謂之澹游者吾之游以澹耳非以其爵非以其位又非以其道之不同而姑與之面也彼之與吾游者亦以其澹而非有所挾也記所謂君子之交澹如水是也游之久不能無別別之以不能無思集其所作所以使之常接於目而慰吾之思也千載之下令人企想羨慕不啻淵明之於惠遠玄度之於支遁昌黎之於

大顛少陵之於已公賁公歐陽之於惠勤東坡之於佛印則又未必不因是集而有所興起也至若集中之辭或品格之殊音節之異有不可得而同者然如金石相宣珠璧相照而同為盛世之作亦可因此而見 國家涵濡之澤也先君文安公既與見心游之於前而泫又得廁於其後比之諸公則為再世之契故序其說於是集之末朝散大夫僉江西湖東道肅政廉訪司事豫章揭泫序

澹游集序

昔之縉紳君子學士大夫有物外之游從曰方外交往往以道義相尚以文辭相唯諾亦或託諸文章鉅筆以傳其行業者固將進之而弗却也若淵明惠遠有蓮社之結許詢支遁有講經之好昌黎稱大顛識道理文暢喜文辭少陵賦齊己茅屋之詩而賁公之詠又六七焉近代歐陽公於惠勤蘇端明於了元皆以詩翰往來傳聞簡冊不可誣也今夫或在仕宦或在羈旅或有遺世之志或得休沐之暇厭夫塵勞俗駕驅馳鞅掌思所以澄心散慮必山林幽寂巖栖谷

隱之地聊以遂其清適焉彼則不沉縛其法而有幕
吾道者一皆瀟洒穎脫迥出行輩故野花啼鳥之趣
行雲流水之蹤見於交際之頃亦惟詩章翰墨文辭
而已耳餘蓋泊然無著也豫章見心上人得浮圖之
玄奧又以詩文結內縉紳間所謂能入其法又能出
其法者故吾徒多與之游禪暇彙所得於翰林虞文
靖公歐陽文公揭文安公以下若干詩并其自酬倡
者為三卷壽諸梓徵余引言且曰非有他也於此以
著吾方外交游之雅焉夫交游以道義不以勢利諸
公辭章文翰之接於上人靡有福田利益之規上人

臣瞿啟甲呈進

於諸公又非為名聞外護之託蓋善忘其勢與夫忘
人之勢者抑亦上交不諂下交不瀆也歟第觀諸作
皆情趣高遠辭氣清朗如大羹玄酒醍醐甘露雋永
存焉奚以澹云上人曰傳言君子之交澹於水則斯
集名之澹游亦宜願余何能廁諸公之列且不佞輒
復為序至正甲辰冬十月朔朝列大夫温州路總管
管內勸農防禦事天台劉仁本書

澹游集序

豫章見心禪師復公主四明之定水暇日彙萃代之作者凡所貽贈及所倡酬之什取表記之言題之曰澹游集刻版以傳因河南杜綱文紀徵言序之余惟雲龍以氣合風虎以聲合聖與賢以時合君與臣以道合縉紳之士山林之人儒佛有異出仕與退隱為益異而尊禮之隆游從之好其必有合焉者若范文正於古公富文忠於顯公周元公之於佛印真淨壽涯彭器資之於晦堂程叔子之於靈源楊中立之於照覺張敬夫朱元晦之於妙喜似非神交心降而有

臣瞿啟甲呈進

合者疇臻是哉張子韶與妙喜以言忤秦檜致遷謫趙元鎮移書子韶有曰近日僧徒多結託士夫以要聲勢子韶復曰妙喜天人師也雖聖人復生莫親踈之以其託士夫要聲勢惑也妄也謀也子韶於元鎮同學伊洛同為鄉相可以勢利怵哉參寥薦秦太虛于曾子開子開復太虛書曰吾二人皆與參寥游雖異乎世俗之相求蓋所因者賢也斯則元鎮之智所不及也近時大儒如虞揭歐黃諸賢蓋合儒佛而同焉者其言粹然一出於正柳子所謂真乘法印與儒典竝用者為信然矧言為心聲聲則心之所寓詩

能言者之辭章何莫非道見心傳佛心者有見於斯
用萃所交者之詩刻之使覽者即是以求至道則其
垂勸於將來者豈少益哉是為序至正二十五年歲
在乙巳夏四月廿又二日庚戌杭州路中天竺禪寺
住持番易釋廷俊序

澹游集序

比余過雙峰造定水禪寺謁見心禪師復公于丈室
時公方類錄澹游集命工鋟刻印繕成帙余得受而
讀之皆一時在朝名公卿大夫泊山林韋布知名士
與公往來贈遺詩章及碑刻記序文字而余有贈公
蒲菴詩亦得紀錄于次嘻其美矣夫君子之交無取
乎世俗燕樂財利故昔人有澹如水之論然道之所
存文之所發英華之外著實和順之積中譬之雲漢
之昭于天山川草木之麗于地煥然爛然蘄然森然
固不得以澹言也嗚呼道在天地間一而已矣形之

言論陳之詞章自墳典而下升降盛衰與時消長歷
千萬載而無窮於今片詞隻字之妍將欲使之傳播
悠遠而不泯是固仁人長者之用心也公明佛氏學
妙圓空寂之趣亦何藉於詩文之黼黻然性情之適
詠詠之工莫非循習操存之積願豈易而得之哉况
夫真元會合之盛天地泰和之餘發之詩文體制之
渾融尤有夔出乎前古上者於公此編已可以得其
梗槩讀者其不可以苟焉漫焉而已也至正二十五
年歲在乙巳餘姚楊璉序

澹游集序

至正乙巳秋余來定水見心禪師以澹游集屬序余
與見心厚不可以固陋辭乃曰善財以文殊為初友
展轉五十三叅而成道果要皆以言辭相誘諭而助
其證入也故佛眼曰道業未辦善友師教誠不可捨
孟子曰友也者友其德也老子曰道者同於道德者
同於德然則古君子之交率以道德相尚未始以形
服為異也遠法師之於陶陸習鑿齒之於道安裴休
之於圭山柳宗元之於重巽蘇子瞻之於摠公妙喜
之於張無盡是皆得其同而忘其異者也且其播於

贈答被於銘記又皆真乘發揮非直以文辭為獎飾也見心出豫章得法於南楚悅公道德之輝文章之光炳炳烺烺照耀江海其所游從則故侍講蜀郡虞公豫章揭公金華黃公大司徒廬陵歐陽公今太子諭德魏郡李公承旨河東張公莫不屈其齒爵之尊與之來往酬酢情合水乳聲應金石其他衣冠鉅望山林碩德以交游而親厚者不可一二數其於遺贈唱和又皆以佛法相激揚而以顯示夫心要也見心粹而編之鈔而布之其有裨於名教而以惠及後昆也歟言未既客有輒然而笑者曰禪師以澹游名集

臣瞿啟甲呈進

而子乃以道德為論美則美矣其如禪師之本意何余曰德謂行道有得於已恬澹乃道德之至故曰道之出口澹乎其無味若是則吾之所謂道德交者非禪師所謂澹游者乎客乃欣然謝余遂書之以質諸見心焉前往紹興崇報禪寺番易釋至仁序

澹游集卷上

送見心上人之徑山

虞集

字伯生號邵菴其先蜀人後遷江右遂為臨川人天曆初除翰林侍講學士至正間贈四川行省參政謚文靖有道至正間歸田葉行世

臺山驀直勿岐差雙徑峰前路不賒若有劔光衝北
斗更愁帆影落誰家曲江水暖花千樹古道秋高月
一槎記取題詩相送處鷺絲和雪立蘆花

至正壬午劔江見心上人訪余臨川山中以游漸為告臨別徵語時積雪方晴南窗

甚暖筆利墨潤為賦五十六字以贖之越六年見心再過山中則為靈隱書記矣且

告余以前所惠詩已為好事者所得遂誦舊題因摩挲病目再為書此戊子春二月

望日微笑居士
道園虞集誌

落齒一首錄奉見心上人

無住本居士虞集

此齒生來七十過忽離齟齬奈渠何晨鳴法鼓惟空
響夕嚙靈泉滿舊科食粥正宜生理拙傳經莫恠語
音訛石人具口無飢想鐸觀寡寡老達磨

送見心上人游淞

虞集上

春雨西江漲百川加沙又上淞東船行尋龍卧雲生
徑坐聽猿吟月浸泉客裏有詩還為寄山中何法可

臣瞿啟甲呈進

相傳故人或者詢張拙鼻涕垂頤雪兩肩

寄題見心上人豫章山房

揭傒斯

字易碩豫章之豐城人仕至翰林
侍講學士謚文安

見說唐朝寺靈樟一樹榮花飄金地淨影落劔池清
礙日蟠空起翻風作籟鳴道人從定出倚石看雲生
題見心開士所藏 觀蒲萄二首

揭傒斯

上人落筆墨雲流中有驪珠顆顆秋消得禪餘一彈
指便堪數斗博涼州

雲屯高架廣庭深秋實登盤夏息陰龍影滿窗山月

白無情猶足繫禪心

豫章山房為見心上人賦

歐陽玄

字原功號圭齋廬陵人文忠公之裔孫延祐乙卯初科張起崑榜登進士第仕至翰林承旨至正間贈大司徒謚文公

豫章境上豫章樹樹大絜之三十圍在昔唐朝誰所

種于今蕭寺屋相依高柯自飽梵天雨密葉難遮佛

日暉來往劔池池上客還能指樹問禪機

豐城西方今大三圍相傳唐人所種蔭庇賴廣數畝西方寺乃上人受業之所云

廬山圓通慈上人寫余陋質求語湯識一絕以

塞其意時與見心大士同觀因復成口號二章

臣瞿啟甲呈進

呈似一祭

霜華山人歐陽玄

嬾將貝葉問摩騰獨坐焚香百慮澄自笑前身曾習

定楞伽峰頂一閒僧

半生身世若雲浮歸老南山百不憂自是太虛無影

像時人空向畫中求

虞侍講題歐陽公像云集與原功同朝相

知竄深汪乎其容粹乎其表世有斯人哉

歸來臨川不見原功且廿年矣圓通慈公

本中以畫像相示求余言余目病深弗能

辯然原功之心則余所知也謹書所知者

于後充乎中不余之外所應乎萬事不

也知守之約也如山之喬嶽也如玉之在璞

警游集

卷上

海虞瞿氏鐵琴銅劍樓影鈔本

正庚寅春刻石于廬山
圓通寺之歐公亭

觀見心上人清江行卷有感

歐陽玄

病翁茅屋老莓苔避客求文勝債臺多事清江數君
子吟詩作序送人來

錦濤亭坐雨成口號三絕簡寄見心上人

霜華山人歐陽玄

歸鴻閣下野人家流水當門照白沙幾度相過慰岑
寂一筇秋色看霜華

風雨南山獨憶君芭蕉怯向病中聞相邀莫恠泥三

臣瞿啟甲呈進

尺芋粟充盤擬共分

自慚衰朽寄湘東文力何能續古風不識徑山真面

目徒將五采畫虛空

徑山老師塔銘已脫葉適彥宗過山亭候
吾師一來同讀之風雨中真無却也玄白

夜宿天竺山偶成二絕奉簡本無見心二上人

黃潛字晉卿金華人延祐乙卯張起崑榜
登第仕至翰林侍講學士謚文憲

稽留峰下偶登臨二妙相從慰此心定起焚香語清
夜白猿啼月過前林

鋒車明日度淮塵白髮誰憐老病身多謝吾師遠相

問一杯山瀑煮秋葍時先生有翰林之名自金華山
馳驛至錢唐詰旦北上故云

奉題見心禪師豫章山房

楊宗瑞 字廷鎮長沙人延祐乙卯張起崑榜登進士第仕至翰林學士

劍江蘭若古靈樟見說蟠根自有唐
畫日陰連行道室春風花落讀經牀
舊移祇樹枝同秀新種杪羅影共長
政爾人間多熱惱欲從禪子住清涼

送別見心禪師之廬山四首

楊宗瑞

我昔繫船桑落洲匡廬青入九江流
錦雲遙隔屏風疊知有招提住上頭

五峰三峽好林泉飛瀑如龍下九天
何日從師分半

臣瞿啟甲呈進

榻青松石上看雲眠

天上歸來白髮新聞心只與道流親
老貧佛日從人恠誰識三生夢幻身

鬱鬱星光動劔池樟陰樓殿憶題詩
今朝送別黃陵浦湘月衡雲繫遠思

見心上人自湘中來訪予東湖隱居
出示翰林承旨歐陽原功寄予佳什及
得觀廼師南楚翁塔記且俾予作隸古
手顛眼昏愧不能應命而上人言有廬
山之遊輒賦二絕以識別

楊友直

號隨翁洛陽人由中書檢校累官至南雄路松管有隸篆書行世

江南三月杏花紅雲錫翩翩過楚東好住廬山看瀑
布新詩題向錦屏風

東來寄我翰林詩江水江花入夢思慚愧白頭雙眼
暗塗烏空讀徑山碑

歐陽承旨先生寄友直詩曰見說臨川楊太守春風只在杏華村草玄池上頭如雪問字門前酒滿尊

豫章山房為見心上人賦

張翥

字仲舉號蛻菴河東人由國子助教起家歷仕至集賢學士國子祭酒翰林承旨階榮祿封潞國公有蛻餘集行於世

劍江寺裏古樟樹百尺如蓋青童童山靈長此護林

臣瞿祐甲呈進

壑雷電不許藏蛇蟲掃石僮來秋葉後譚經僧坐晝
陰中題詩禪房更瀟洒便與王城祇樹同

上竺北峯行香賦簡見心上人

晉寧張翥上

肩輿直過上湖西泱漭晨光遠欲迷風起澗松清不
暑雨餘山路濕無泥水從絕壑流邊續雲到高峰盡
處低投老寧能數來往把盃洞口聽猿啼

奉題見心禪師天香室

蛻菴居士張翥

定水山中多古桂老璘結茅來避世囊中少試蒸花

法正藉霏烟作輿衛誰令作詩傳世人一時攪動聲
聞塵百年公案結未了復翁拈起還清新唱開石壁
壁成字百顆明珠照天地不關旃檀林下風薰破枯
禪半邊鼻常聞佛家別有眾香國我亦三生學禪客
若為一洗六根空從子歸來分半席

奉寄定水見心禪師方丈

蛻菴居士張翥上

聞公近住慈溪寺今是璘師第幾燈咲我在前圖作
佛只今投老欲依僧餅中舍利藏來長窗外猕猴喚
得麈會拂塵衣上方去天香樹底乞花蒸

臣瞿秋甲呈進

翥頌首上記
見心堂頭大禪師靜侍別來恍不憶歲月
清遠乞天香詩方審主席定水因斯觸
也便令馳一得結局仍還黃鑿之債興緣
綺語之業載渴來歲成歸即附海舳矣蒲
湖山載飢載渴來歲成歸即附海舳矣蒲
菴之文適在病中始寬懶者惠詩一首先
用展限少間當捉筆也歲行暮山風多寒
禪餘千萬翥為宗門珍重不宣九月廿九
日方內張翥頓首上記

教墨至辱示以佳製五章展玩欽挹輒次

高韻首章以僕元韻而置之其四章錄似印可

老蛻張翥上

蒲菴禪師靜侍

自入赤墀青瑣間舊游禪侶亦闌珊青山只憶招提

境白首初辭供奉班馬為空群猶躑躑鳥能求友自
關關終期一舸相尋去知在姚溪第幾灣

見說錢唐別築城淒涼風景若為情湖堤柳盡曾游
路石壁苔荒舊刻名老我無能如燭武何人可飲勝

公榮沃洲勝會還容續即擬山中隱計成

古剎鐘魚振一方山中禪伯法中良蒲編金地菴十

笏墨寫石厓詩數行龍公聽諱能變化魔鬼避咒無

災祥遙知定起佛燈外童子蒸花香滿裳

蓮華峰下天香樹吹老西風幾度秋僧寶師真洪覺

範詩窮我亦孟叅謀文章宇宙千年事身世江湖萬

臣瞿叔甲呈進

里舟甚欲相期石橋路更須同訪羽人止

詩五章寄上先生首章奉荅來詩之貺其四

蠖菴承旨先生之懷并簡豫章釋來復上

太樸中書先生一笑章釋來復上

白頭讐校居天祿喜有青藜代夜燈玉檢

每留蓬島客貝書時問竺乾僧醉傾竹葉

愁還破夢熟梅花喚莫磨見說鰲峯氣高

處人間三伏少炎蒸雲飛遠珮珊珊宮中

東觀蓬萊紫翠間五雲飛遠珮珊珊宮中

夜賜金蓮炬天上晨趨玉筍班老去乞身

思故里閒來隨意宿禪開苔花溪水春如

酒何日誅茅傍碧灣煩慰藉見交情書來

於越知南歸海詩到航羅識姓名綺語紅塵
志結習黃麻紫誥被思榮傳經更憶危
夫子一習代斯文屬老成
至正壬寅秋友人廉子祐自京南還
蒙先生惠書與詩適海船為風所漂

留之始領來書有所謂紅塵之債讀之
誦之癸卯春又三月舟還自吳之太
倉業一得結局仍還黃整之債讀之

聞說天人慨然方中興諸將提賢良光依
日月瞻黃道陣擁風雲接太行滄海無虞

通餉清河有頌見禎祥太平補衮須公
等老我山中薜荔裳香滿樹桂花秋磨厓

靈鷲峯前憶共游天香滿樹桂花秋磨厓
每讀新題字買地曾為舊隱謀薜荔涼雲

依古寺夫容明月放行舟湖山會有重來
約白先生往年嘗奉旨刊遼金宋三史

留錢唐一日詣上竺北峯行香會僕
靈隱煮茶冷泉亭上讀歐陽承旨贈

僕之文因謂僕曰吾與歐陽承旨同朝
相知家厚公嘗議事館閣吾辨析甚

至公大喜執吾手曰斯文屬諸子矣
斯文屬諸子矣繼與僕同登蓬花峯

訪舊所題名處且為賦豫章山房詩
竟日乃還臨別謂曰吾此行當乞浙

省提學之除欲營菟裘為歸老武康
之計期與師往來湖間第未知能

遂此願否僕佩服斯言有年矣兵興
以來南西北梗絕山雲海月不能感

今懷昔之私也故系諸篇末云至正
癸卯五月望日來復識

奉題見心大士天香室

李好文字惟中魏郡人至治辛酉宋本榜
登進士第累官至翰林承旨兼

太子左諭德河南行省平章致仕階
光祿封魏國公

東游蚤住慈湖寺一室間依鳴鶴群蒼藟滿林殊眾

色旃檀繞座散清芬聞塵已淨真如地障火同消蔭

潤雲亦欲從師聽說法寶花天雨雪紛紛

奉題見心禪師天香室

貢師泰

字泰甫宣城人累官至翰林待制
監察御史福建閩海道肅政廉訪
使戶部尚書秘書卿江浙行省參政
有玩齋集行于世

老禪夜執吳剛斧所得靈根下甬東滄海月華生
貝闢廣寒雲影落珠宮散花天女元來幻金粟維摩本
自空別有清芬吹不斷寶幡時動鶴林風

奉題見心和尚天香室

廉惠山凱牙

字公亮高昌人至治辛酉達
普化榜登進士第仕至湖廣
行省右丞行宣政院使至正間拜遼
陽行省平章

遠遊東越禮明師築室栖禪頗自宜衣拂寶花風起

臣瞿故甲呈進

處函開貝葉月生時旃檀別種人間樹優鉢多傳劫
外枝竄愛群賢長頌德熏鑪何日話幽期

寄簡定水見心禪師

張以寧

字志道福州人泰定丁卯李黼榜
登進士第仕至翰林直學士

慈溪溪上雲如雪老人卧雲弄秋月手提一劍斬波
旬點點西江老蛟血木犀花下天香亭風吹雨花滿
石屏髮僧已定止水觀杖藜何日聽談經

天香室敬為見心老尊宿賦

哈刺

字元素弗林人至順庚午萬烈圖榜
登進士第歷仕至監察御史淮東廉
訪副使江浙行省左丞有玩易齋集
南游寓興集行于世

維摩丈室本來空誰散氤氳度曉風
麝劑飽聞堯率界兔春元自廣寒宮
老僧說法登蘭座好客題詩憶桂叢
咲我螭坳曾鵠立鑪烟滿袖對重瞳

奉題見心禪師蒲菴

哈刺上

老師日日念慈親自種蒲芽向水濱
統壁翠雲光照目隔江烽火政愁人
聞香似覺風傳信顧影宜憑月寫真
天意定須酬素願緇衣當伴綵衣新

奉題見心禪師天香室

伯顏字景淵燕郡人至順庚午萬烈圖榜
登進士第由太常禮儀院太祝累遷

臣瞿啟甲呈進

至江南行御史臺經歷江東道肅政廉訪副使

清泉蘭若倚慈溪滿室秋香種木犀
金粟任從禪子采錦囊多得故人題
每疑蔭蔭臨風吐或聽頻加統樹啼
莫道旃檀無異種靈根移自梵天西

錢唐留別見心上人三首

黃昭字率性號觀瀾臨川人至順庚午王
文煒榜登進士第仕至兵部尚書至
正間奉旨招捕江西拜湖廣行省叅政

淞江八月潮如山與師言別將南還
浮杯何日渡彭蠡卧雲却住匡廬間
錢王臺下共盤桓把卷秋風得細看
落日忽聞笳鼓

動令人歸思滿江干

吳楚烽煙望欲迷十年不到大江西
文韜武略非吾事只合相從住廬溪

贈別見心上人二首

杜本

字清碧臨江人隱居武夷山至正初以晦跡止園台為翰林待制

天容秋水見清標東汎錢唐八月潮
愧我老非蘇內翰湯題詩句送參寥

我住清江江上山草堂只隔片雲間
平生蚤有栖閒意野鶴孤雲共往還

游定水山訪見心禪師湯成口號錄呈一咲

臣瞿敬甲呈進

亦速台

字鼎實號西垞蒙古人元統癸酉同同榜登進士第仕至武州長

佛國金銀紫翠間憑虛一覽洗塵顏
室依丹桂秋還掃門倚青松夜不關
四海風煙猶格鬪諸天日月自

清閒欲陪餅錫逃危世布襪青鞋共往還
重游定水登樵隱亭有懷見心方丈

亦速台上

不見高人何所之間登樵隱坐移時
略無塵土侵衣袂時有風颭亂髮絲
清響繞林人伐木綠陰滿地客

哦詩平生亦有雲泉興擬約陶潛訪遠師
奉次承旨歐陽圭齋韻題

見心禪師豫章山房

王大本字中夫天台人由安慶路教授起家仕至國子監丞

聞說唐朝古樟樹龍池寺裏翠成圍花吹禪榻僧初定陰覆經臺虎自依入社可無陶靖節題詩亦有謝玄暉白頭欲問西來意未解庭前指樹機

送別見心上人還江右

段天祐字吉甫河南人泰定甲子張益榜登進士第仕至江浙提學

閒心澹泊喜相遭送別臨風賦楚騷龍氣曉占南斗近猿聲夜聽北峰高雲間此日鳴金錫天上何時賜錦袍好共豫章徐孺子東湖八月看秋濤

臣瞿啟甲呈進

奉題見心禪師天香室

察伋字士安海東人元統癸酉同榜登進士第授翰林國史院編脩官累遷監察御史江西廉訪僉事江南行御史臺經歷

風外繽紛落桂花六根清淨沐秋華石房茶竈蒸金粟竹徑松窗鍊玉葩氣壓九霄承雨露香浮上界散雲霞靜觀物理同玄化却笑吾生未有涯

蒲菴詩三首奉寄見心上人

察伋上

雲石菖蒲九節花爛斑五綵照加沙懸知白髮高堂母望子何年得到家

堂上春萱萬里心遠游卓錫寄雲林還思罔極應難報惟有親恩海水深

悠悠瞻望白雲飛簷蔔花開泪滿衣只隔廬山音問杳不知金錫幾時歸

四明定水寺天香室見心禪師居之吾弟彥誠御史為索詩勉賦一首以寄

月魯不花

字彥明燕山人元統元年癸酉翰林學士江浙行省右丞南臺御史中丞階榮祿有詩文行世

昔年曾到廣寒宮桂樹團團月正中影落人間千里共香分林下四時同談經寶地天花墜卓錫銀河碧

臣瞿啟甲呈進

海通定水名山多勝槩相過有約待秋風

奉題定水見心禪師天香室

揭泐

字伯防豫章之豐城人文安公之子由著作郎起家累官至南臺監察御史戶部員外郎僉江西湖東道肅政廉訪司事有文集行世

蒸花向禪室花熟室皆香藹藹蟾宮裏幽幽鷺嶺傍

定餘清更妙經罷味偏長前古流芳在相傳豈敢忘

定水寺見心上人築室於寺之東澗曰蒲菴蓋

取睦州禪師編蒲履養母之事時上人母留江

右歸養未得故為是扁以寓思親之意敬齋御

史為道其事遂賦詩一首奉寄

揭法

種蒲編作屨賣屨養慈親自信超三界應思得此身
前人功已就後學悟方新况有風塵隔中宵泪滿巾

豫章山房為見心上人題

李祁

字一初湘東人元統癸酉李齊榜登進士第仕至翰林脩撰江潮提學

上人結屋依蘭若學士題詩託豫章大地山河春勃
勃九霄風雨夜浪浪豈同凡卉分枝葉直與禪林作
棟梁想見經餘塵事了卷簾相對靜焚香

題見心禪師天香室

荅祿與權

字道夫乃蠻人至正壬午登進士第遷至監書博士太子文學

臣瞿啟甲呈進

老僧定方起壚火不曾添清風入幽戶明月掛虛簷

送別見心禪師之廬山三首

全晉

字子仁北庭人歷仕至監察御史廣東肅政廉訪使江西行省參政

師游廬嶽我歸燕春水桃花紅滿川定約侘年重結
社香壚峯下虎溪邊

花鞋雪笠縱登臨楚水吳雲即妙心行到金陵三四
月鳳凰臺上又相尋

三尺泉阿秋水光龍池夜夜動星芒飛騰定與風雷
合散作甘霖遍大荒見心豐城人故為是句以期之

送見心長老歸定水山中兼簡陳元戎

宇文公諒

字子貞吳興人元統癸酉登第仕至國子監丞廣東廉訪僉事

定水招提鳴鶴東鑑湖歸去汎孤蓬銖衣不濕荷花露玉塵遙生桂子風山靜祇看雲自動江清莫訝水如空沃洲有約尋支遁還許談經共野翁

元龍豪氣世無雙義緊英聲動兩邦談笑風生白羽扇指揮身坐碧油幢春吟公館花園座曉醉賓筵酒滿缸竄憶慈湖民俗簡相從我欲問姚江

滿上人歸定水謗賦五言四絕奉寄

見心禪師方丈

鄔密執理

字本初河西人隱居賀蘭山至正初以晦跡止園召為集賢待

臣瞿啟甲呈進

制復遷除行樞密院僉書

不到慈溪寺于今已六年遙知龍象集花雨擁諸天
竄愛雙峰老清名海上聞悠然超物表高卧越山雲
一室桂花下天香滿衲衣何時解簪笏來觸箭鋒機
自作江南客長思浙水東月團三百片好為寄盧仝
贈別見心上人就簡枯林茂公一笑

雅古

字正卿嘗奉旨改古為琥可温人秦定甲子登進士第授著作郎

禪子鍾陵彥觀空蚤息機寶珠龍自獻金錫鶴同飛
雲繞蓮花座風生榭葉衣茂林應共住天目幾時歸
訪見心上人湯賦二絕奉簡

陳植

字中吉號中山廬陵人元統癸酉李齊榜登進士第仕至高安縣尹

清江寺裏喜相逢三月鶯花春正濃一鉢澹然忘去住白雲何處覓行蹤

石幢花雨晝氍氍東魯西來得共談咲我未能依幻住白頭猶自戀朝簪

夜宿見心上人房謔成口號錄似一咲

熊燿

字成矩豫章之豐城人元統癸酉李齊榜登進士第仕至泗州長

古寺長廊過客稀獨尋僧舍靜相依暮簷細雨兼花落春檻輕雲著樹飛行畏俗塵還倦出坐貪禪寂故忘歸湯休才思清如雪應念何顛興不違

臣瞿啟甲呈進

贈別見心上人

毛元慶

字文在廬陵人至正壬午陳祖仁榜登進士第仕至國子監丞

秋風南浦寺一咲偶相逢整駐雲間錫閒聽月下鐘匡山看瀑布越水采夫容佗日東林社還期問此宗簡贈定水見心禪師

張士明

字德昭河東人至正壬午陳祖仁榜登進士第國子助教

聞說住山東海涯才名更喜動京華法門玄旨心先悟相國豐碑語不誇石室秋高吹月桂寶幢風細落天花南宗弟子多如雨何日相從駕鹿車

奉題見心禪師天香室

孟昉

字天暉太原人遷至南臺監察御史行樞密院判官翰林待制

旃檀佛國自清涼不比人間熱惱鄉笑我一生迷幻
跡借佗四大作禪牀梵幢雲擁金花落祇樹風生貝
葉香遙想夜窗秋氣集團蒲宴坐世都忘

奉題見心禪師蒲菴

孟昉

青青蒲葉澗之濱織履長年未覺貧甘旨能供白頭
母風流不羨黑衣臣穿林慈竹圍清晝照座護花媚
晚春莫咲菴居如斗許中含法界大無隣

蒲菴為見心禪師題

臣瞿啟甲呈進

萬烈圖

字彥誠號敬齋燕郡人至正乙酉登進士第由太常禮儀院太祝累官至南臺監察御史江浙省員外郎行宣政院判官

編蒲築室近招提一日思親十二時江右風塵歸未
得白雲林下且栖遲

奉題見心禪師天香室

萬烈圖上

雙峰深處有禪房桂樹團團歷歲長每喜璘公作清
事猶傳相國報佳章月明天上開金粟風動山中聞
妙香遙想竺曇方宴坐秋高露氣不勝涼
竺曇見心別號也
至正二十三年三月予以使事自閩還越道過

慈溪訪 見心禪師于定水天香室論文叙舊
歡聚累日湯成唐律四韻以為後會張本云

雋烈圖上

梵王宮殿倚雙峰路入森森十里松地濕喜登千尺
閣雲深遙聽五更鐘滿林翠竹來栖鳳繞澗靈泉起
螯龍珍重高人能好客相逢談咲得從容

定水寺述懷奉呈見心方丈

雋烈圖上

定水源深湛不波老禪每愛客相過山連乳竇人煙
僻地接蓬萊海氣多金殿春明曾射策玉堂天近想

臣瞿啟甲呈進

鳴珂却愁道路風塵隔驚見蕭蕭兩鬢皤

奉題見心禪師天香室

劉貞

字子幹濮州人遷至南臺監察御史
行樞密院判官

禪子蒸花滿室春紛紛香雪落衣巾由來道化無聲
臭誰識旃檀淨妙身

奉題見心禪師天香室

張士堅

字師允大名人至正乙酉狀元及第由翰林脩撰拜監察御史累官
至福建閩海道肅政廉訪副使

湛露被曾巘老樹團清陰危欄掛北斗寒氣何蕭森
整襟坐中夜四垂寂無音微陽在壚熏靜見天地心

涼飈忽動盪竒芬來遠林啓窗掃明月大地皆黃金
蒲菴為見心禪師賦

劉仁本

字德玄天台人由江浙行省郎中累遷至行樞密院判官温州路

管有洞庭藁亦玄集行世

采蒲彼澤陂水深蒲葉短慈親不得見道路干戈滿
織蒲以為屨屨成蒲纂纂念茲履霜露寸草春暉暖
嗟余在空門母恩豈中斷入室思倚廬余心實煩懣
賣屨匪論錢菽水於焉行誰無父母心我歌聊慰浣
次韻奉答定水見心禪師

劉仁本上

臣瞿秋甲呈進

一壑崎嶇又一丘雙峰還憶舊追游風流此會人俱
健感慨重來路阻脩竺國瞿曇深丈室桑軋戍客念
并州何當蚤見昇平業得與溪山共倡酬

奉題見心禪師天香室

鄭文寶

字永思天台人累遷江浙行省左

見說清泉寺山深桂作叢香蒸金粟露幡動寶花風
鼻觀聞塵淨禪枝幻影空旃檀林下趣不減廣寒宮
天香室為見心禪師賦

周廉

字養心象山人由翰林閣官遷南臺監察御史

國史院檢

月宮有桂子佛國曾移栽氣味一何異人世咸驚猜

所以稱天香愛護防萎推璘師託攀折異彼多士魁
清秋風露交金粟層層開采掇蒼翠間英華絢樓臺
繽紛積虛室燦爛烟霞堆正月始發春百草潛枯荻
華枯假水火雲蒸元氣回餽遺揚文節習習馨香來
蓂蔔乃具體芝蘭為胚胎三嗅豁神思如飲流霞杯
詩報謂竒事字字勝瓊瑰至今山寺中文焰燿雲雷
後賢續佳句但愧余非材

寄贈定水見心禪師

黃昇

字殷士臨川人由太常博士累官至國子監丞

定水之山雲作圍白花滿林鸚鵡飛知師此處樂禪

臣瞿秋甲呈進

寂笑我何時談妙機山閣烏啼窺食下海宮龍出聽
經歸是中真境自清淨門外任人鳴鐵衣

奉題定水見心禪師天香室

哈珊沙

字可學西域人至正壬午拜住榜登進士第行樞密院都事

金粟如來住世間一花五葉徧人寰不同蓂蔔開蘭
若豈羨沉檀試博山大地繽紛香雪落諸天馥郁好
風還承恩曾記金鑿殿滿袖携煙朝九關

天香室為定水見心禪師題

林彬祖

字彥文處州人至正乙酉張士堅榜登進士第行樞密院都事

定水湛不波禪心與俱靜何如月花魂解使槁木醒

天香散瓔珞虛室煙霏暝根塵了非有妄盡皆真境
為謝竺曇翁忘言味滋永

奉題定水見心禪師蒲菴

林彬祖上

青蒲葉短水痕深愁結山人寸草心廬阜風煙如可
掃便應賣屨老叢林

豫章山房為見心禪師題

林泉生

字清源福州人至順庚午王文燁榜登進士第仕至翰林待制

唐代豫樟風葉稠婆娑繞屋翠雲流千峰影落龍池
暝五月涼生佛國秋直恐蛟蚪潛窟宅長驚雷電護

臣瞿啟甲呈進

林止知師材大終為用樗散無因得共游

宿定水天香室奉簡見心禪師

王若毅

天台人行樞密院都事

丈室高寒北斗齊黃金為國石為梯禪翁每向花間
定詩客多從竹下題秋殿香浮丹桂老夜闌影轉白
河低看山不盡登臨興他日重來信杖藜

簡寄定水見心禪師

諭立

字仁本臨江人歷仕至翰林應奉國子博士

觀心息群妄參透上乘禪樹拂獅狔座振衣龍象筵
慈溪丹桂發南海一枝傳好護豐城劍神光會屬天

簡寄定水見心禪師

王章 字伯達臨川人國子助教

潛子才名世共傳知師雅致更超然
龍歸雨洞時聽法虎卧風林晝護禪
帝網山河分萬象寶花樓閣擁諸天
他年有約南還日定結雲龕白石邊

簡寄定水見心禪師

賈俞 字士昌汴梁人至正甲午牛繼志榜登進士第國子助教

慈湖地僻甲兵稀開士談禪住翠微
海近已無蛟鱷橫山深還有象龍圍
芭蕉浮翠濕經卷桂子吹香生衲衣
白日長安塵沒馬何時林下靜相依

臣瞿秋甲呈進

奉題定水見心禪師天香室

廼賢 字易之南陽人翰林國史院編脩官有金臺集河朔訪古記行世

團團桂樹倚秋風小榻加趺觀想空
八月花開金粟界五更人立水精宮
蟾華冷浸晴芬外蘭氣微聞碧落中
明月堂深涼不寐清心靜對一燈紅

奉題定水見心禪師蒲菴

廼賢上

董孝溪頭一草菴春蒲出水碧
氈氈意行東澗雲生屐夢繞西江
月滿龕織履睦州終有養受經方
進豈無慚漢翟方進讀書京師其母織蒲履以給其學鄉關蚤晚兵塵息
鐙下

海虞瞿氏鐵琴銅劍樓影鈔本

先裁信一函

至正己亥秋八月余過雙峯訪

見心禪師因留題天香室以識歲月云

揚彞

字彞常號西亭錢唐人由進士出身
調慈湖書院山長至正間廷臣奉
旨經畧江浙南舉後翰林國史院檢
閱官今江浙提學有詩文行世

雙峰一別五飛霜自覺重來野趣長石上流泉從散
漫山中大樹窠陰涼濫巾北岳知何補買地西枝好
不忘為謝當年黃太史天香萬斛滿虛堂

奉題定水見心禪師蒲菴

揚彞上

臣瞿啟甲呈進

曉色爭飛返哺鳥夜光親握報恩珠錦襜猶記遙臨
水白髮難忘老織蒲野岸波深叢葉短夕陽天遠片
雲孤睦州若問陳尊宿千載還同此意無

鉉上人入城湯賦二首問訊

蒲菴禪師丈室

揚彞上

一筇來近郭幾日別清泉遠憶天香老頻看海月圓
筍添新徑竹花發舊池蓮正擬聞高論雲棲了勝緣
雙峰携手後已復四經春掃葉記迎客織蒲思奉親
嵩扉淹歲月邊塞暗風塵未證無生學愁多愧此身

奉題定水見心禪師天香室

陸景龍

字德賜，馮李人，由進士出身，除饒州路餘于州儒學教授。

丈室高寒紫翠重，西風鼓桂鬱葱龍。蕊珠仙子下蟾窟，金粟如來住鷲峰。花氣和雲秋澹澹，禪心在水月溶溶。山中招隱還能賦，吟屐何妨認舊蹤。

奉題定水見心禪師蒲菴

陸景龍上

青青之蒲出彼澤，遠遊念母未能歸。采香終日湯織屨，把線當年曾製衣。目斷孤雲憐暮景，心將寸草答春暉。諼花堂背還無恙，莫遣平安音問稀。

臣瞿啟甲呈進

奉題定水見心禪師天香室

吉雅謨丁

字元德，燕山人，至正戊子登進士第，由江浙省管勾起家，累遷至江西省左右司都事，奉化州長。

上人築室雙桂下，妙香每從天上來。坐見旃檀隨地湧，絕勝薜蘿滿林開。經函夜啓月當戶，花雨晝飄雲作臺。却憶明光獻賦日，曾携兩袖歸蓬萊。

次龍子高歸美見心長老禱雨有感詩韻

吉雅謨丁

在昔陶唐時，神禹奠下土。汨鴻乃告成，寧嗟九年雨。成湯禱桑林，責躬每自數。雖罹旱暵灾，而無飢渴苦。

往聖遭時迤乘心詎莽鹵終然致泰和憂勤類煩絮
自非契皇天焦身亦何補後來政如焚嗷嗷日憚暑
炎風扇八區鬱鬱謬思古商霖久不作扶藜目空仁
迺來屬時艱四郊巖武禦呻吟含瘡痍所望在調護
牧守豈無人衣冠萃潭府龔黃邁前錄炳若丹青著
憫茲急官征米粟及布縷赤子慕慈親哀哀仰哺乳
誰歌雲漢章乃見金仙侶精誠叩淵潛翦鬱起蒼霧
豐隆褰靈旗阿香震天鼓沿街舞商羊渡河怯鼯鼠
初疑玉盆翻次覺銀河注潤澤斯快霑疾疢良小愈
田疇慰渴思閭閻聞好語佳章發心聲喜色見眉宇

臣瞿啟甲呈進

池塘渺層漲蛙黽息喧怒乃知山中人龍起南陽畝
我昔客京口抱甕嘗學圃喜懼恒不忘甘美頗充茹
睽離隔三霜炎涼易貧富唯瞻白雲飛依依戀吾母
奉送見心長老歸定水山中兼簡天倪大尹

吉雅謨丁

加沙曉上甬東船無數天花雨法筵人向定中知後
夜客從林下問先天寶幢雲濕龍初起祇樹風生虎
未眠想見登臨多諷詠邑中况有大夫賢

游定水山中奉呈見心方丈

吉雅謨丁

天入雙峰遠俗塵高秋懷抱一時新可無靈運登山
屐漫有淵明漉酒巾作郡喜逢清白吏觀風還識太
平民一龕雲月能同賞欲解朝簪老卜隣

奉題定水見心禪師天香室

張昱

字光弼號一笑居士廬陵人累遷至
江浙省員外郎行宣政院判官

秋來每憶雙峰桂此日東遊共賦詩盛事百年嘉樹
在妙香千斛好風吹花隨天女從飄落龍作老翁長
護持若得毘耶獅子座草堂寧受北山移

奉題定水見心禪師蒲菴

張昱上

臣瞿林甲呈進

雙峰結得蒲菴好渾憶當年織屨時萱草統階清露
重春山入座白雲遲叢林尊宿曾留偈京國交游摠
賦詩我亦有懷無所寄白頭深覺愧吾師

奉題定水見心禪師天香室

葛元喆

臨川人至正戊子登進士第累遷
江西廉訪司經歷江西省都事

聞昔祇園座空中常雨花天香溢晝夜何必秋序加
鳴鶴逝已遠叢林丹桂葩擷芳遺君子念此歲月賒
結梅表先語清心靜紛拏聲臭坐來泯長風吹月華
見心復禪師作蒲菴於定水以思母詩以為寄

葛元喆上

寸草慕春旭况懷大報恩
相履以為養睦州遺事存
復公居定水愁見江流渾
鍾陵烽火外誰與慰倚門
種蒲在溪渚蒲生亦蕃廡
負土結山菴江頭日延伫

奉題定水見心禪師蒲菴

張守正

字以中真定人至正辛卯登進士第累官至翰林脩撰河南省都事

采采水中蒲編之可為履
粥履歸養親風塵習長路
長路何時清蒲葉年年生
馮將寓情素無由寄親庭
結茅頰慈水東流曷窮已
禪餘挹天香白雲在千里
奉題定水見心禪師天香室

張守正上

臣瞿故甲呈進

杖屨挹西顛招提叩幽崖
丈室虛已寂芬馥從何來
碧疏竝仙友風露襲庭階
意彼優曇瑞啓此芝蘭懷
憶昔廣寒闢金殿開崔嵬
謬慙通桂籍裏拂天薌迴
只今夢寐遠感茲真境佳
芳辰慝勝踐攜翰謝疎才
見心禪師過余武林寓舍
出示翰林虞歐二先生詩
文讀之嚮慕無已因成口
號四絕錄上求教并識歲月云

倪中

字中愷信州人由翰林國史院編脩官累遷至福建行省左右司員外郎

江城春盡柳吹花來問東園
野老家掃石焚香坐清
晝杪羅樹底論三車

青城學士老江南架上楞伽每共談來往况閒華蓋

近龍門深處結雲龕龍門山在富州之東南有山林泉石之勝

白頭承旨蚤歸田健筆凌雲動百篇今日臨風數開

卷虹光千丈斗牛邊

漂轉東南厭亂離錦囊驚見玉堂詩相期只合匡山

住酒榼籃輿訪遠師

簡贈定水見心禪師

孫予初字吾與撫州之樂安人國子助教翰林應奉

與師同住西江上師學無生住海邊長者布金來梵

剎諸天飛蓋擁經筵自慙朱紱千微祿誰向金襴問

臣瞿秋甲呈進

別傳他日一龕容我老看山東上鑑湖船

口號五絕奉上見心禪師

陳麟字文昭永嘉人至正甲午牛繼志榜登第累遷戶部主事浙東僉都元帥

冬雪初消山日遲飛來黃鶴亂松枝竹窗石几生虛

白井水清寒靜定時

青山遶寺寺連溪夾道雲松猿鳥啼聞說近來頻送

客杪羅樹下石橋西

永慶庄前燕麥青伏龍山下蜃風腥犬聲夜夜前村

月香冷梅花夢未醒

寺外湖塘春水波湖邊楊柳綠如何懸知鳧鴈驚飛

處蘆葦蕭蕭弋網多

香積煙消芋栗荒牀頭留得舊詩囊平生食肉無緣

分洗菜溪頭流水香

近體詩一首奉寄見心和尚

陳麟上

八年不到定水寺雙峰過橋思虎溪浮雲墮地變蒼
狗急雨打窗鳴亂雞鐘鼎於人自無分林上待我應
同樓報道黃梁炊早熟笑他泪落峴山碑

麟再拜奉記
見心大禪師座下
鉉書紀來獲觀吟藁
不及諸閣老詩文啟沃多矣嘗考古今之詩
不知幾變自三百篇之後或淳古淡泊或

臣瞿敏甲呈進

舒和高暢或浮滯流佚悲愁鬱堙得其正
始者為難集中官買馬等作極有箴現方
思諷誦吟詠以詩人廣所見惜乎遽爾而索去
也古詩自工耳余之貧至矣而詩不工何
貧而詩自工耳余之貧至矣而詩不工何
也近有遷居之窘曾賦鄞城十萬家笑我
無片瓦之句又麥秋賦數韻有云崆峒小
麥熟我無升斗分此可見其貧而不見其
工可笑也己身之困道之以亨也藉然命之
貧分之定也身之困道之以亨也藉然命之
遣餘復何言憲詩一首少寓向仰之私起
率略不具陳麟再拜奉記

奉題定水見心禪師天香室

林温字伯恭永嘉人至正甲午牛牛繼志榜
登第今除福建行省左右司員外郎

定水山中桂作行老僧結屋此中葺六根不染世間
味一榻常分天上香聽法神龍時入座窺禪弟子欲

升堂何須蒼葛林中去天雨飛花滿道場

奉題定水見心禪師蒲菴

林温上

嗟嗟上林鳥返哺供子職有親不得養令我長太息
編蒲亦何勞自足充朝夕豈無囊中資聊以食吾力
我身未得歸我夢長在側但願親强健千里在只尺

見心禪師與余別不相聞者數年彦誠御
史來為索天香室蒲菴詩始知見心尚留
慈溪無恙也勉成二首奉上以寓千里之
向慕云林温識

奉題定水見心禪師天香室

蔣景武字伯威象山人由進士出身今除
江浙提學

臣瞿啟甲呈進

維摩丈室足安禪桂子吹香落九天玉宇風來飄不
斷寶花雲委散無邊但令鼻觀忘貪着始信心涼合
自然蒼葛林中一携手只今已是幾千年

奉題定水見心和尚天香室

謝理字玉成天台人行樞密院都事今江
浙省理問

仙桂婆娑手自栽蟠根佛國倚雲開香浮大地秋無
際影落空林月滿臺每憶璘師為道好遠煩秘監寄
詩來清游我亦分金粟身到廣寒宮裏回

卜居慈溪奉寄見心長老一笑

李樞字元中石樓人累遷至行樞密院經
歷奉化州長

辭祿歸來樂事多暮年身世任蹉跎問松林下雲雙
屐采藥溪邊雨一簑小圃不鋤留草色閒亭時到聽
樵譔久知定水清涼地策杖何時許我過

奉題定水見心禪師天香室

汪汝懋

字以敬號桐江釣客睦州人由浙東帥府都事遷定海縣尹

月窟移來丹桂枝香傳鶯韻好風吹一林縹渺緇經
後四座氤氳出定時天女盡依金粟界山人空愛白
蓮池蒸花我欲同清供細和廬陵秘監詩

奉題見心上人豫章山房

鄭元祐

字明德遂昌人自號尚左生有詩文集行世

臣瞿啟甲呈進

豫樟拔地即參天突兀山房樟樹邊僧占綠陰開戶
牖境因黃落見山川神機觸破栽培力佛惠看空大
小年一自龍駒踏人後交柯密葉正駢駢

錢唐會見心上人湯賦二絕奉簡

海魯丁

字東之西域人由進士出身除蘭溪州同知昆弟三人俱以科第顯贈之稱三鳳翰林虞侍諱嘗作三鳳行

昔年曾向廬山見今日還從淞水逢十里西湖清興
好滿船涼月看夫容

柳洲泛月時相過竺寺看雲每共吟安得卜隣從此
住三生石上細論心

奉題定水見心禪師蒲菴

楊翮

字文舉金陵人今除江浙儒學提舉有詩文集行世

蒲葉青青出水深
萱華愁思攪離襟
欲將織屨當年事
為報裁衣慈母心
四海烽塵猶未定
九江消息正如沈
遙應陟岵長瞻望
鳴鶴山高聳翠岑

奉題定水見心禪師天香室

楊翮上

玲瓏金粟度秋風
室有天香鼻觀通
自覺神游率界渾
如身在廣寒宮
杪羅樹影元何有
蒼葛林花正與同
肩向禪房分半榻
未應文節負璘公

臣瞿啟甲呈進

賦得豐城劍送見心還豫章西方寺

山同

字伯謙龍沙人至正乙酉登進士第由陝西省管勾起家仕至水軍檢校

敬齋御史來錢唐令賦定水見心禪師蒲菴天香室二詩見心與余別以因錄奉寄少寓

泉阿之劍傳不朽
紫氣騰空射牛斗
當時冶鑄巧莫窺
橐籥陰陽歸妙手
土華不飶神所衛
鱗甲蕭森世那有
滄江斂波秋水凝
白晝成陰電光走
蒺藜文斷玉斲鐔
夫容匣瑩金纏紐
山夔迸逸猛兕啼
馮夷震掉饒蛟吼
于嗟至寶善游及
會合終期托長久
摩挲七曜起太息
償價連城不輕售
鍾陵釋子詩家流
飛

錫南來成解后性海深澄湘水波辭鋒遠削衡山秀
參禪咲睨黃龍座朗吟共拂青蛇袖臨岐把贈送將
歸更就雷君覓懸綬

敬齋御史令賦

見心和尚天香室詩奉寄定水方丈

趙俶

字本初會稽人韓莊節公之高弟由進士出身今除江浙儒學提舉

定水寺中雙桂樹黃金滿地露花稠九霄影落天河
曙五夜香浮月殿秋雲外每瞻靈鷲近淮南實愛小
山幽道人鼻觀參玄賞擬着蒲團話舊游

奉題見心復禪師豫章山房

臣瞿秋甲呈進

楊士弘

字伯謙梁門人由學校官起家調廣東憲幕有新編唐音樂府行世

豫章古郡城猶留豫樟樹上人結竹房遙在樹深處
摩挲老樹落蘚皮天風翻林黃葉飛閒來露坐了經
卷就向高枝掛衲衣

奉題見心禪師清江行卷四首

蘇大年

字昌齡號西坡趙郡人翰林國史院編脩官

湘江水綠楚蘭青遠為南翁乞塔銘六一先生何瞿
鏢咲填文債謝山靈
縹囊行卷寫烏絲雅好憐君不入時炙手權門求薦
剡有誰肯索送行詩

客窗夜雨一燈紅紙帳梅花夢境空自起焚香讀行
卷神交想像憶諸公

乞得歐文慰乃師歸來喜色上雙眉開包點檢無它
物只有諸賢贈別詩

夜宿定水見心禪師天香室分韻得松字

陳履常 字克履天台人仕至江浙行省左
右司員外郎

夜宿清泉寂上峯老禪留客話從容吟聽雪瀑鳴雙
澗坐受天香落九重蕉葉倚窗空幻影梅花繞屋絕
塵蹤投閒但使能忘世辟穀何須問赤松

簡寄定水見心禪師

臣瞿敬甲呈進

武起宗 字孝隆東原人至正間登進士第
累遷國子博士拜監察御史

老禪風骨似清冰吳越聲名喜倍增東渡龍湫晨洗
鉢西游鷲嶺夜傳燈香蒸天上三秋桂衲掛山中萬
歲藤欲脫朝簪問玄旨結茅高卧白雲層

暇日訪見心禪師于四明彌陀講寺二首

高明 字則誠自號菜根居士永嘉人至正
乙酉張士堅榜登進士第歷仕至翰
林國史院典籍官福建行省都事
有文集行世

春城厭喧襍閒問遠公廬風旆來仙樂天花落梵書
久知塵業幻早與世緣疎願禮清涼月禪栖長晏如
未究無生學尋師得屢過安心知有法入道愧多魔

柏樹談禪旨蓮花禮懺摩三車如可馭投老碧山阿
蒲菴為定水見心禪師題

釋清欲字了菴號南堂遺老天台人主吳之靈巖寺嗣法保寧古林茂禪師

古人卓菴深種蒲蒲青水綠連平蕪編成大屨與小
履粥之為母供朝晡君今高堂方聚徒蒲菴自處端
非孤可憐不見此心者猶問古人今有無

奉題定水見心禪師天香室

釋廷俊字用章號真懶番陽人住杭之中天竺嗣法龍翔廣智咲隱訢禪師

有泊川集行世

白日消搖在上方山深雲氣濕衣裳天花蕪蕪來籌

臣瞿秋甲呈進

室桂子紛紛打石牀盛事蚤傳楊秘監清游還記駘
賓王何時輟棹鄞江浦與子同歌招隱章

廷俊再拜奉啓和尚侍者昨辱教帖繼承遠示佳什啟益為多未獲裁謝為快也維時暮春伏惟履道清佳為慰不肖托起此粗遣近會參政公備言天香室遊風起敬之意諒必知之矣向作天香室詩一首錄呈幸為正之予今法道下衰所至叢林凋瘵而能力張斯道誘掖後進所和尚一人而已更冀俊再拜奉啓

山中詩四首奉寄兼簡

東南耆舊漸凋零獨愛詩禪老仲靈波瀾橫辯說天幢蓋擁青冥溪邊坐石雲生衲松下開函露濕經月旦有評公道

臣瞿啟甲呈進

豫章老禪天下士今既無雙古無比十年不見怨飛
鴻幾度相思隔江水前年有書到空谷放在牀頭百
回讀至今散帙眼忽明時復看雲泪相續上人新自
浙東來曾侍生公說法臺注水本生天馬種鄧林還
有搃章材春雨相逢又相別明日扁舟異吳越君到
山中問我時為言舌在頭如雪

次韻奉和見心和尚游石湖詩五首

釋妙聲

闔閭城西佳氣深青天翡翠斷千岑臺荒不見麋鹿
跡日落空聞樵牧音吳王宮殿絕壁下隋朝城郭清

湖陰登高吊古意不盡惟有沙鷗知我心

楞伽峯如九疊屏何年截取匡廬青方同楚客賦招

隱不學山人吟采苓僧蹊盡種苾芻草梵夾遍寫多

羅經諸天只在雨花外音樂六時來窈冥

黃山高人之所居金沙花明白石渠無錢愛養方外

客有口懶讀人間書采來青苗搃堪食種得黃精還

可儲郭西十里不一到題詩為問今何如

近聞移居湖水頭蘭若下瞰滄波流獼猴夜偷錫杖

去鷗鳥日傍闌干浮揚州月照五湖白洞庭木落三

山秋相望只隔半江水安得贈之雙佩鈎

臣瞿秋甲呈進

豫章禪伯家能詩定水匡牀面曲池駸裏來從西極
道鳳凰借得上林枝曇花不比人間色天女元非世
俗姿忽把瓊瑰驚十載淞江東望樹深思

豫章釋來復游石湖蘭若詩五首
荷花蕩西湖水深上有蘭若當高岑客吟

時見獨鳥下僧定不聞鐘磬音雨香秋林
橘子熟雲落空澗棠梨陰閒來掃石坐竹

裏靜與山人論素心
五龍之峯雲作屏雙崖削出夫容青何人

潤底拾瑤草有客松間采茯苓林風不驚
虎卧石山雨忽來龍聽經吳王臺樹今寂

寞秋香薜荔花冥冥
瀚公結樓湖上居泉香遶屋多夫渠波神

夜聽白傘咒洞客時獻青囊書豈無松花
壓春釀亦有菰米供秋儲看雲長日不出

戶應知忘世心如山曉澹花間流野僧
洞庭山青如佛頭看山澹花間流野僧

次韻奉答定水見心和尚

迎客倚雲立沙鳥哺雖當澗浮吟聽疎竹
 度虛籟坐愛碧梧生早秋摩厓更讀李侯
 詠文采貴重珊瑚鈎亭瀟洒臨清池秋來
 梅湖上人愛說詩長吟楊柳枝丹山鳳雖
 遍寫芭蕉葉月千里姿逸群風骨絕蕭
 五色羽渥驥驥千里姿逸群風骨絕蕭
 爽令人別去長相思石湖蘭若在始
 蘇之西南有林亭水檻之勝

釋至仁 字行中 番陽人 住紹興崇報禪寺
 嗣法徑山元叟端禪師

天香滿室地無塵南渡璘公是後身早見諸方橫特
 榻誰云九坂馭奔輪鶴鳴皓月雙峰遠鯨吸滄溟萬
 壑貧辱贈璫章何以報隴梅迎雪一枝新

詩二首奉寄
 行中和尚兼簡

臣瞿啟甲呈進

奉寄定水堂上見心和尚法兄禪師

大材大章二記史豫章來復上
 兵滿淮吳吹戰塵蓮花峯下寄閒身曉吟
 三竺雲霞色夜禮諸天日月輪澹飭長蘆
 聊自遣麻衣草座不全貧向來耆舊風流
 散金刹荒寒劫燒新栝重渡浙河游秋風
 久向雲門訪沃洲木看白漚傳世文章
 古寺題葉黃春水南湖看龍門二妙應同
 將底用催人歲月去如流龍門二妙應同
 住茗椀熏爐足倡酬利支天甚謹
 靈隱之蓮峯堂奉摩利支天甚謹

釋元旭 字元明 號松泉道人 丹江印禪師
 山延壽寺嗣法育五月江印禪師

曾共湖山作勝游杖藜來往更風流一時俛仰成陳
 跡千里飄零盡白頭落日青天無過鴈秋風滄海有
 閒鷗好泉聞道甘於醴安得同消萬古愁

奉題定水見心和尚天香室

釋懷渭

字清遠豫章人住湖州道場山嗣法龍翔笑隱訢禪師

雙峯雙桂樹歲歲發天香
繁花清露重密葉綠雲涼
月滿繙經座風生步屨廊
唯應黃太史時來對石牀


賦得歸鴻閣送見心上人之湖湘

楊瓌

字伯恭襄城人廣東宣慰

傑閣倚湘雲高空共秋晚
翩翩儀鳳翔渺渺冥鴻遠
蘭香汎幽渚翠色見遙巘
前脩有遺規於焉樂栖遯
知子遠來游標題重華袞

賦得匡廬山送見心上人之湖湘



臣瞿啟甲呈進

